

十二月壬午王家屏乞明春建儲以塞道路揣摩之口銷牆帟
牽制之私不報

定皇后家庄田五世百頃不論旁派貴妃家五世七十頃如
無正派至三世盡入官駙馬都尉官家三世止十頃奉祀

乙未前廣東按察副使穆文熙卒字 東明人嘉靖
進士

丙申協理京營兵部尚書張國彥改刑部尚書陝西右布政
使呂坤為右僉都御史提督鴈門等關巡撫山西楊廷相為
南通政司使

領南右軍都督府崇信伯費甲金改領中府都督府


己亥領南後軍都督府新建伯王承勳改領右軍都督府罷
延綏提兵官杜桐

庚子禮部請建儲不允

壬寅南尚寶卿詹沂為南大理右寺丞

刑部尚書張國彥屢被論致仕

領南右軍都督府新建伯王承勳為提督操江兼管巡江事
南中軍都督府僉書魏國公徐繼志調為南協同守備兼領
後府



甲辰夜月犯土星在井宿
萬法寶殿災

乙巳協守寧夏副總兵董一元為總兵官鎮守延綏

丁未王家屏乞勉出視朝不報

戊申趙志臯請御朝不報

成安伯郭邦相為南中軍都督府僉書

己酉以閱視叙各官勞進張國彥太子少保郝杰右副都御

史仍巡撫

甲寅先是禮科都給事中胡汝寧言順天貢士張大典白若

鷺應天貢士李應傑錢魁春硃卷可疑乞覆試并吏部推陞

王遴益一版蔡時鼎事于是考官曾朝節陸可教各疏辨尋

御史馮從吾言汝寧投閑抵隙假公濟私非真為 皇上發

奸摘伏也

丁巳工部尚書曾同亨致仕


前南右都御史孫丕揚為刑部尚書戶刑部尚右侍郎董堯

封李尚思為戶部左右侍郎巡撫四川徐元泰為南刑部右

侍郎

庚申王家屏請元旦受朝賀

國權 萬曆十九年



是年安南黎維潭攻都統使莫茂洽茂洽敗走嘉林縣春社

國權

萬歷二十年壬辰

正月壬戌朔上不朝

壬申禮部以胡汝寧所論貢士其卷俱優偶字句訛僻非弊
也得免試

先是泗州大水輿議不一工部尚書曾同亨乞科臣往勘命

工部右給事中張貞往觀


乙亥濟南青登萊災免糧稅

國權

萬歷二十年

國家圖書館, NATIONAL CENTRAL LIBRARY, TAIWAN, R.O.C.

監官設遷孺木著



辛巳禁潞府人沿途販鹽戶部請之也

壬午禮科都給事中李獻可等請豫教元子言甚切命謫獻可餘奪俸

癸未宣西鎮水泉莽刺二捷

甲申吏科都給事中鍾羽正給事中舒弘緒各疏救李獻可各謫會吏部推饒伸萬國欽皆因國本事上憐其瀆該司

官落職大學士趙志臯申救有旨輔臣家屏希名託疾卿毋效尤王家屏乞罷不報

吏科右給事中陳尚賢象罷尚象言冊立明旨信如四時諭

教不早終無以解天下之疑忤旨


戶科左給事中孟養浩言顯斥言官有五不可上怒養浩疑君惑眾廷杖百削籍

丁亥宣遼東之捷

禮部主事董嗣成御史賈名儒陳禹謨各疏救李獻可忤旨罷嗣成謫名儒奪禹謨等俸

己丑禮科左給事中李用策等奏宥謫臣各奪祿戶兵刑工

科都給事中丁懋遜張棟吳之佳楊其休禮科左給事中葉初春御史錢一本鄒德泳並削籍



庚寅王家屏乞宥諸臣禮部尚書李長春等言亦如之上
切責焉

辛卯諭王家屏徑駁御批故激朕怒沽名逸臥豈人臣之義
既有疾可暫假數日即入直


設遷曰世稱萬人逐兔而一人獲之貪者悉止分定故也
神廟雖有如意之寵詎于分定遷延未決吳縣以依違失
之山陰磯怒犯事君之數屢上書不報視若枝官有無非
重格心之道不其難乎方元子年六歲但請以出閣豫教
中宮之開震無嫌寵姬之匹長未啟納牖遇卷或無可疑

自侈言國本而羽翼之猜滋甚諫法有五諷其一焉當時
諸臣並未之逮耳惜哉

太常卿陳大科申救諸臣切責之

初御史馮從吾言 皇上郊廟不親朝講不御表章多留中
不發為困于麴蘖之御倦于窳窳之娛否則何朝政廢弛至
此極也是日將廷杖從吾以 仁聖太后誕長大學士趙志
臯揭救乃免

二月壬辰朔錄水泉莽刺鎮羗及西寧石羊等功俘獲計四百
斬名王一賜經略鄭洛巡撫葉夢熊賈待問等金



戊戌禮部右侍郎陳于陞詹事府兼翰林院事盛訥命主試

禮闈

王家屏再求去不報

山西總兵官解一清餽送巡按山西御史喬璧星禮部發之
罷一清

設遷曰直指自不受餽而發之則隱矣矧聞帥又不宜以
壤矧論也假一清有干城之略將二卯棄之哉如其庸且
怯則指列其事足矣他何瑣及焉

乙巳五臺山礦盜平

協守延綏定邊副總兵王撫民為總兵官鎮守山西

丙午伏羌伯毛登卒

予故巡撫寧夏右副都御史李璋祭墓字 順天大興人


弘治中進士授刑部主事忤劉瑾杖謫興國州判官瑾敗復
官歷陝西按察僉事沱岷兵備副使平盜以山西左布政進
右副都御史巡撫寧夏會李福建事忤郭勳廷杖下獄戍雷
州卒隆慶初復官至是以孫必善乞卹典三品未考滿例祭
一墓半特全葬

南兵部尚書舒應龍為工部尚書總督河道軍務大理卿趙

國權

萬曆十九年

四



參魯為刑部右侍郎

丁未編脩李廷機為侍讀

命廠衛嚴緝問遺者

巳酉寧夏卒作亂殺巡撫黨馨督儲道兵備副使石繼芳嘉靖中黃毛虜哱拜得罪于其酋來降隸平虜城守備鄭印麾下敢戰數有功歷官都指揮使萬歷五年以游擊將軍統標兵家丁千餘得專制寧夏例入衛本兵王崇古欲遣拜張居正曰彼降夷欲以入衛何震之有拜因自免巡撫羅鳳翔以其忠勇補原官十年進參將子承恩承寵義子哱塞哱雲哱

洪大皆勇悍難制己丑加副總兵致北承恩襲寧夏衛指揮恃所部善戰輕邊卒辛卯閱視尚寶司丞周弘禴薦承恩及守備王文秀等而黨馨來開府性嚴刻好華人號黨八十初任寧波同知或薦其才張居正曰其人彘、小才刻而且暴是奚能撫大眾既士心不附又覈冒餉拜益怨望會諸軍請三年冬衣布花銀業示期而繼芳為馨里戚沮之僅給一年悍卒劉東暘許朝等忿而巷議拜等嗾之曰若等任為之有我在是日露刃排入撫署馨匿層樓度不免自下立刃死因往殺繼芳焚各公署收印符發帑釋囚脅總兵官張惟忠奏



馨等扣餉激變請招安承恩承恩推東陽主盟黨馨石繼芳
俱益都人馨隆慶戊辰進士繼芳貢士

設遷曰余友姚士彝從沈中丞朔方云千搃劉東陽以布
花銀反汗拔撫署前鹿角木作忍守卒執之悍黨群閹橫
不可制事起倉卒寔非有跋扈之素也狙公賦芋朝三暮
四黨中丞寧不知此耶竟自背其德以七尺委健兒口食
亦足羞也

庚戌王錫爵求終養不許

追奪故左都御史吳時來謚忠恪補御史楊爵謚忠介以禮


部員外郎干孔兼論時來晚節多疵而楊爵及刑部侍郎陳
瓚尚寶尚少卿孟秋宜謚也禮部謂讚秋年近先謚爵

辛亥搃督尚書魏學曾巡視花馬池聞變遣張堂部寵諭時
拜等

甲寅南刑部左侍郎徐元泰為戶部左侍郎江西左布政使
邊維垣為右副都御史巡撫江西兼理軍務

經略陝西四鎮及宣大山西邊務兵部尚書鄭洛乞休許之
游擊王文秀時雲以兵五百自中衛互歸合叛卒殺游擊

梁琦守備馬承光



丙辰賊奪摠兵官張維忠勅印維忠自經明日劉東暘自稱
摠兵呼承恩許朝左右副摠兵王文秀胡種呼雲左右叅將
遣騎出掠執玉泉營游擊傅桓諸將風靡俱遁奪城堡四十
餘惟平虜營叅將蕭如薰堅守不下手射呼堂死賊氣稍奪
又王虎等略鳴沙洲將趨河東全陝震動摠督檄副摠兵李
昫攝摠兵官進師

茅瑞徵曰始塞上以夷丁敢戰厚糈收養寧鎮為甚而呼
氏父子與王文秀等並以降夷握重兵尾大不掉卒致叛
逆謀者以非我族類久必不多變自今宜用羈縻術處分

以呼氏為鑒


夜有三星隕福建閩縣東南

戊午織冬至大祀皮弁衮服十二章

趙志臯乞徵王家屏入直讀廷試卷不報

庚申御史彭好古言今後廷推閣員乞九卿同翰林官上
切責之

三月壬戌巡視兩淮鹽法御史王明言周家橋不可開一開則
六州縣魚矣宜上尋舊支而殺其勢下淪舊口而廣其塗勿
苟且目前貽後日患



甲子免延安慶陽平涼十四十五年帶徵錢糧
乙丑前刑部左侍郎王宗沐卒字新甫浙江臨海人嘉靖甲辰進士授刑部主事累進今秩學有淵源才優經濟計聞予祭葬

丙寅陝西霾晦天鼓鳴

戊辰寧夏變聞

己巳賊攻靈州叅將來保拒卻之明日李昫進至橫城游擊趙武至鳴沙洲賊鋒少挫遂括子女金帛購套虜卜失鬼着力鬼等內犯

辛未大學士王家屏引疾去

南吏部尚書孫鑰改南兵部尚書

陝西按察副使朱正色為右僉都御史巡撫寧夏

壬申初鄭洛令順義王縛史首自贖仍給市賞至是部議如之至于青把都等各夷俱效順仍許市

癸酉虜寧遠前衛殺掠二百餘人


甲戌吏部尚書陸光祖致仕光祖在事不興避閣臣屢執議見難

乙亥廷策貢士吳默等三百人賜翁正春等進士及第出身

國權

萬曆二十年

八



有差

丁丑命魏學曾馳赴寧夏便宜處置

協守洮岷副總兵董一奎為征西將軍署都督僉事總兵官
鎮守寧夏

戊寅兵部議懸賞格劉東陽自相擒獻待以不死并許朝暉
承恩王文秀擒逆贖罪

遼東錦州游擊桓朝翠出塞採木值虜中伏死之失亡三百
餘人

辛巳刑部右侍郎趙參魯為左副都御史 傅益春為刑

部右侍郎

壬午兵部右侍郎陳有年改吏部右侍郎

癸未潞王食兩淮鹽以衛輝道遠改支長蘆鹽

乙酉賊攻平虜營蕭如薰伏兵南関誘敗之


前順天府尹孫一正卒 渭南人予祭葬

戊子南兵部尚書孫鑰為吏部尚書

猗氏縣大雪

四月庚寅朔命寧遠伯李成梁選宣大山西兵往寧夏從御史

梅國楨涂杰薦也復以前按察副使蔡可賢兵部主事趙夢



麟赴督臣贊畫

壬辰定常朝班尚寶少卿列侍讀侍講下司丞列編撰編檢
下時少卿周弘禴等奏朝班論品則司丞宜史官上脩撰焦
竑等駁証詳甚禮部謂列科恩榮宴登科錄俱史官先司丞
寺丞乃定

癸巳山東館陶天鼓鳴

甲午提督操江南右副都御史蔡國珍為左副都御史回院
前提督薊軍務右都御史兵部右侍郎塞達協理京營鎮

河南陳州衛軍譚

丁酉南工部尚書袁貞吉為南兵部尚書提督倉場右都御
史溫純為南吏部尚書順天府尹王體復為右副都御史巡
撫貴州前南戶部右侍郎顧養謙為兵部右侍郎兼右僉都
御史提督薊遼保定軍務


逆虜莊克賴等部落入犯鹿臺寺守備劉泗都司蕭如蕙拒
之次日攻趙家山等寨蕙等又卻之乃退
攝慶府事鎮原王仲垣等乞官劉東暘等仍命本道隋府為
巡撫其詞甚悖蓋賊脅之也

戊戌吏部右侍郎兼東閣大學士張位入直

國權

萬曆二十年

十



靖江王履燾薨無子

己亥總督河道潘季馴臣言領河事者四矣總之水性不可
拂河防不可弛地形不可強治理不可鑿人欲棄舊以為新
而臣謂故道必不可失也人欲支分以殺勢而臣謂濁流必
不可分也去秋霖霖水漲物議遂騰寧知漲必自清乎工部
言季馴習河事言當不謬但運道切民宜勘河給事中張貞
觀及督河撫按舒應乾陳于陞等公議之


何喬遠曰自有治河以來議之者斷乎勢乎稍有不
行別議鑿濬費不貲矣予觀劉天和潘季馴所論則治黃
河在循故道治漕河在沿舊制而已物有大小物之形也
情則一而已矣太山之于邱垤河海之于行潦寧異情者
覆杯水于坳堂之上有所濶之則加溢矣有所控之則旁
泛矣去其控者而濶可消也黃河雖大何以異此予讀季
馴治黃之議但欲循河故道東而湍之使水疾沙刷無留
行而又近為縷隄縷隄之外復為遙隄使水益淺遠以不
至旁決嘉靖隆萬之間季馴四治河皆治

封韓府固原王璟渭上饒王朝 穎川王朝壑靖江王任城
榮陽王翊銘

國權

萬曆二十年

七



尚寶少卿周弘禴降
秀也

澄海典史以閱邊薦亨承恩王文

五月庚申朔禮部以望夜月食欽天監官推美訛一日李欽等
奪俸二月

丁卯趣王錫爵入朝

卹健卒高善等家百金先延綏副總兵王通抵寧夏城高善
等三人賈勇入北門後援不繼死之

朝鮮報倭數百艘犯釜山勢獷甚釜山近日本對馬島通互
市平秀吉遣渠帥行長清正義智僧玄蘇宗逸等襲之陷慶

尚道渡臨津掠開城朝鮮大潰

庚辰洗馬兼脩撰楊起元疾去

命保定總兵官倪尚忠移天津領二鎮防倭

遵化城軍譁


復黔國公沐昌祚章服

叙順義王縛叛功進總督尚書蕭大亨太子少保巡撫大同

邢玠左副都御史

癸未南刑部尚書王用汲致仕

甲申巡撫浙江常居敬遣叅將楊文以千人助討噶氏



乙酉免寧夏副總兵李昫

丁亥勘河工科左給事中張貞觀言泗州受浸今泄淮亟關海口積沙而泄淮不如殺黃水于合淮殺黃水不如殺于未合至廣其入海之道自飽家口王家營至魚溝金城因下流利導之似當併議從之

酉刻一星自天中流西南色青白尾有光

覆試貢士王兆河等六人屠大壯聞喪未至削籍餘如故

戊子南大理右寺丞詹沂為南太常少卿四川按察僉事張世則為陝西行太僕少卿


六月己丑朔巡撫湖廣李楨為左僉都御史赴院

折泗州田租三年每石五鍰不為例

賜魏學曾尚方劍副將以下不用命者聽法時旨詰學曾討賊未效致虜助逆

庚寅遼東發兵三千人以副總兵祖承訓游擊史儒往援朝鮮巡撫郝杰言朝鮮切望義師若次鴨綠江未敢前進如失望何遂命亟往

壬辰兵部郎中王謙為太僕少卿兼河南道御史閱視保定等處軍務



惠安伯張元善以侵民地奪歲祿

右軍都督僉事尹秉衡練南北兵防倭

丙申順義王捨力克貢馬五百匹

丁酉逮寧夏副總兵李昫奪總兵劉承嗣官從軍自殺

己亥順天府丞郭惟賢為右僉都御史巡撫湖廣提督軍務

總督倉場右都御史李戴為南工部尚書兵部右侍郎周世

選為左侍郎協理京營戎政

庚子蠲河東河南今年屯租

魏學曾遣總兵張傑入寧夏諭賊不出

辛丑光祿光卿魏允貞為順天府丞

巡撫陝西沈思孝改巡撫河南以工科給事中侯慶遠謂南

人未習邊事也

復莊禿賴明愛台吉市賞

甲辰虜犯甘肅總兵楊濬追斬七十級

前右副都御史姚繼可起原官巡撫陝西兼贊理軍務前左

都御史辛自脩為南刑部尚書戶部左侍郎徐元泰總督倉


場事

丙午官兵渡河明日薄寧夏攻城不克

國權

萬曆二十年

十四



前戶部尚書王廷瞻卒字稚表湖北黃岡人嘉靖己未進士
授淮安推官擢御史至今官年七十二

總督魏學曾言虜已聽撫出邊賊勢窘求招安原任張兵總
張傑且議請撫臣朱正色入獻黨惡宜調回洮州防秋兵以
備火落赤諸虜 上謂賊未下何遽言散兵調兵也旨議下

兵部

丁未選庶吉士王象節李名芳劉孔當沈淮劉生中李騰芳
何熊祥高克正楊繼禮姚文蔚韓煥鄒廷彥陳維春馬文卿
張同德趙之翰林應元陳懿典

戊申朝鮮報倭百有十級


宣大簡兵萬六千人求遣大臣理餉

己酉總兵董一奎李昫麻貴報叅將馬孔英等擊虜北遁賊
入寧夏擊斬百十八級

壬子工部右侍郎盧績為左侍郎大理卿宋應昌為工部右
侍郎河南左布政使李頤為右僉都御史巡撫順天整飭薊
州兵備

夜金水土三星聚于井

癸丑吏部左侍郎羅萬化為禮部尚書禮部右侍郎趙用賢



為左侍郎

命提兵蕭如薰同薰董一奎討賊

乙卯兵部請擇威信服虜大臣經略寧夏又擇知兵文武大臣援朝鮮命廷議

丁巳改提兵官董一奎鎮守陝西董如薰鎮守寧夏各易勅以一奎成望著于洮岷為秋防計也

七月戊子朔鑄儀制司管理玉牒關防

己未吏科給事中李汝華論禮部尚書李長春爭枚卜禮部左侍郎韓世能非大受器兵部左侍郎王基歷任狼狽俱當

巡撫遼東郝杰報倭渡大同江朝鮮國王走入遼拒之不仁納之難處兵部議令據險要待援召通國勤王之師詔從之
昭棄王京走平壤子臨海君肆順和君珏被執倭又發靖康恭僖二王之墓渡大同而西昭走義州告急願內屬不許
命南工部所輸司禮監木植如北部負買給直毋賈販
壬午大理左少卿董裕為右僉都御史撫治鄆陽


右春坊右諭德兼侍讀曾朝節為祭酒南侍讀學士余孟麟為南祭酒

甲申罷提督三邊軍務兵部尚書魏學曾

國權

萬曆二十年

六



乙酉張養蒙曾乾亨為大理左右少卿
丙戌宣延綏之捷

兵部右侍郎賈三近卒字德脩山東嶧縣人隆慶戊辰進士
授兵科事給中歷今官未赴予祭葬

丁亥巡撫寧夏葉夢熊為兵部右侍郎提督陝西三邊軍務
賜尚方劍

是月鸚鳥集南昌永寧寺屋上高二尺餘如鳥人面四目有
耳見則旱

八月戊子朔日講官禮部左侍郎韓世能請告并請滿考廢叙

許之吏部以世能屢被劾非政體

命固原甘肅延綏寧夏兵屬提兵董如薰而麻貴副之宣大
山西遼東兵屬李如松餘兵屬提督俱聽節制兵法從事

叙延綏出塞功進提督魏學曾太子少保世錦衣衛副百戶
巡撫賈仁元進兵部右侍郎世百戶提兵官杜桐世本衛指

揮使餘有差

夜啼承恩乘間決隄購虜魏學曾斬守隄都司吳世顯


庚寅土魯番地面番主哈密哈失貢方物

辛卯大學士張位上戎器要略八事攻城要略二十事命下

國權

萬歷二十年

十七



督撫議行

戶部左侍郎董堯封卒字

河南府人嘉靖丁巳進士除

推官進御史歷都御史巡撫甘肅進戶工部右侍郎至今官
予祭葬

副總兵官延綏叅將張剛為總兵官鎮守陝西

逮總督魏學曾監軍御史梅國禎奏原任按察僉事隨府墜

城下我兵不前賊執府上城虜斷我糧道殺掠不以報也

上念師老無功又兵科給事中許子偉等劾其主款自誤故

有是命先是兵部尚書石星東學曾曰非常之變黨閹寔


自致之不佞老矣僅一襁中兒誠不欲以濫殺種禍彼能束手則死囚數人足代了事也

于慎行曰攻城之法有當急有當緩夫在我為老師在彼為窮寇張一面之網以移其必死心其城可破也激之則敗矣在我為聲罪之師在彼亦不赦之辟急之則變從內生不戰而潰緩之則彼得為謀其勢日成故不可不急也朔方噶氏之變使總督之臣提兵急趨掩其未備數夕之間可以授首而游卻無定逗撓不前師老財殫賊勢日甚向此國家福力廟社之靈其不為唐之北庭宋之靈夏者

國權

萬歷二十年

六



能几何哉

壬辰右春坊右諭德陸可教為侍讀學士

命行人薛藩勅諭朝鮮

遼東副總兵祖承訓敗報至倭入平壤游擊史儒把總張國

恩馬世龍等俱傷官兵失利

前臨洮副總兵原進學以失律戍邊

癸巳詹事盛訥為禮部尚書

前總督蒯遠廟養謙為兵部右侍郎禮部右侍郎張一桂為

左侍郎詹事范謙為禮部右侍郎

甲午着力兔遺書呼拜約騎三萬餘渡河相助官軍得書巡

撫朱正色命為備李如松蕭如薰李寧等擊敗之斬二十五

級擒十四人奪畜產千一百有奇又達賊萬餘渡河仍率麻

貴馬孔英等斬九級

漕運總兵懷寧侯孫世忠疾去

魏國公徐惟忠劾免

兵部主事袁黃裳從東征贊畫

劉黃


豐城侯李環領右軍都督府

辛亥楊克恭獻策召募江南沙艇沙兵兵部覆兵科都事給

國權

萬曆二十年

十九



中許弘綱等言添設備倭都督游擊各一授克恭署指揮僉
事充海營中軍官前往招募

壬子授宋應昌經略許便宜行事本部主事袁黃劉黃裳從
行贊畫發太僕寺金二十萬治械炮

辛丑新建伯王承勳為提督漕運

甲寅定西侯蔣建元領南後軍都督府

乙卯暫停泗州河工

丙辰豐城侯李環領右軍都督府尋提督操江

禮部右侍郎張一桂卒字穉圭河南祥符人隆慶戊辰進士

官編脩進侍講右諭德主順天試中蜚語調南兵部員外郎
庚寅轉南司業至今官卒于永城年五十三性直諒端嚴予
祭塋


九月己未太僕寺卿孫鏞疾去

命葉夢熊罷招安之議

右軍都督府僉書武進伯朱世冕領南左軍都督府南左軍
都督府新寧伯譚國佐為前軍都督府僉書

庚申戶部左侍郎徐元泰以正二品服俸筦兵部左侍郎

起褚鈇工部右侍郎



領南後軍都督府定西侯蔣建元協同守備南京

癸亥補故禮部右侍郎張元楨謚

甲子工部主事樂元聲言大學士王錫爵經年寇虜方張倭夷交訐必當卧不安枕乃屢召屢辭毋乃謀社稷者輕乎宜聽其去 上切責之

鑄防海禦倭軍務都督及大同東路管糧同知關防

官軍入寧夏南城寧夏重險曰南城大城時虜退諸將力攻城薛永壽等內應我乘之總兵牛秉忠年七十賈勇先登梅國楨呼諸將曰老將軍登城矣餘何怯也遂畢登噶承恩退


守大城始懼出張傑乞命我益攻之

乙丑停制勅房中書舍人考選科道

丙寅御史郭實請停經略忤旨謫懷仁典史

庚午免河蘭臨洮等州縣旱災田租

壬申寧夏賊平賊勢迫御史梅國楨欲問賊有市人李登跋而眇往說噶氏令殺劉東暘許國朝自贖承恩召百戶石棟王英材官周柱計之果殺劉許擲其首城外開閔延我師諸將咸入承恩飲于宅提督葉夢熊在靈州聞之亟令詰旦不滅噶氏者服尚方明晨承恩出謁梅國楨浙卒即執之李如




松等亟圖拜家拜率蒼頭巷戰不支閤門自焚叛黨噶承寵
噶洪大土文德何應時陳雷白鸞陳繼武等並被縛

寧夏志曰國家之患莫大乎聚夷于內而濫名器糜爵賞
以奉之不一効橫草之功拂怒獸之性則反戈內噬職為
亂階遠無論于五湖開鬼滿曲非我明之鑒與粵自壬辰
故稱減餉噶倡土翼慘重辱臣逞于巨鎮之中應于甌脫
之外由族類卒難馴服野性嚮拂不常以至荼毒氓黎禍
延宗社乃平虜負秦之逆僂主將又不崇朝要皆止虜之
首難也其釀患可勝言哉議者謂逆節甫形象猶左袒若

得中才之將及其鋒而奪臂一呼渠魁主殲何至流毒滋
蔓貽禍無益極乃悞帥蓄縮莫適敢發語曰當斷不斷反
受其亂豈謂是乎柰何重誣天以追誅也

瞿九思曰韓琦范仲淹功至高西寧之事豈不累年乎今
朔方即西寧矣噶首之變乃不數月而旋捷猗歆盛哉語
曰一人守險千人莫過臣觀靈州事則未嘗不壯其識
及聞決大堤水噶首遂至几無類此又與攻智伯事何異
傳不云乎非我族類其心必異然則金日磾之事何可幸
以相言也



設遷曰噶氏購虜則我再受敵罷于奔命勢難斷也李如松身擊虜驅之塞外則噶氏孤直阱中耳授首有日而總督尚在靈州不即抵城下豈示威重不與諸將爭功耶說者咸推總督之力居多予按梅國楨所上封事頗不以此為然當得其實語云禍莫大于殺已降要非所論于莫氏彼蒼頭軍千餘人其心叵測能除惡務盡則葉夢熊所見卓矣哉

南光祿少卿朱廷益為南大理右寺丞

丙子

丁丑報李如松擊虜斬百二十級

虜由廣武入犯廣寧夏總兵蕭如薰等兵至井溝敗之


己卯山西按察使趙燿為右僉都御史巡撫遼東督理軍務
辛丑大學士趙志臯以禮部儀制司主事諸壽賢見劾求去
不允

癸未暹羅入貢

丙戌設海防游擊駐樂亭縣南兵三千人益募七百人

十月丁亥朔兵部尚書石星自請討倭上壯之謂佐帷幄重
重事不許

朝鮮陪臣鄭崑貞辭宴以國王越在草莽主辱臣死之秋也



禮部請折給俾速其歸許之

南工部尚書李載改戶部尚書兼右副都御史總督漕運
兼撫鳳陽前禮部右侍郎黃鳳翔為左侍郎
免真定順德廣平大名水災租賑之

戊子前左都御史李世達六年考績進太子少保

己丑監軍御史梅國楨乞宥魏學曾不報

庚寅總督南糧戶部右侍郎余懋學兼右僉都御史

辛卯南右都御史朱天球為南工部尚書

兵部尚書石星請身封倭 上以運籌不許

設遷曰甚哉石馬之失籌也島夷螯我屬國拉馬傾覆司

彼告急于我度不能膜外置之而急在銀夏勢不兩顧且

李昫來奔第擇善地居之徐觀其會可耳遼撫郝杰不量

見力亟請聲援狡倭數萬眾如太山壓卵而我才三千人

往委肉虎口無俟戰至平壤立糜矣堂天朝揚威海外

兵少發則不振多發則不繼此豈易事而漫嘗為也屬國

流離緩之可急之可而偏師輕出亦賴其敗于是移鄉隣


于司室進介鱗于我仇連籌之失始見其端而猶請纓關

丁浮慕遠略膠柱鼓瑟之說不償國何待乎

國權

萬曆二十年

言



命叅將吳惟忠率南兵三千人期五日往遼東又遼東兵萬人赴義州同鮮朝協禦薊鎮保定各簡五千人宣府大同各八千人步卒半之並東征聽經略調遣又檄徵四川總兵官劉綎兵

甲午吏部左侍郎陳有年為南右都御史

予故御史楊爵謚忠介

宣雲南之捷前剿丁攻十寨斬千二百級擒百四十人俘賊屬千九百餘人撫脅從六千六百人

丙申禮部尚書李長春屢請冊立疏十有四不報


南中軍都督府僉書沈思學為江南狼山副總兵

丁酉吏部右侍郎陳于陞為左侍郎仍日講戶部右侍郎李尚思改吏部

蜀府德陽王府輔國中尉宣瑀汶川王府奉國將軍承選並被薦協理宗學

戊戌巡撫雲南吳定加右副都御史黔國公沐昌祚進少保叅將鄧子龍復副總兵

辛丑命沿海防禦仍聽薊鎮密雲永平三道整備增入勅內總督兩廣蕭彥為戶部右侍郎提督陝西討逆軍務總兵官



李如松改提督薊遼保定山海等處防海禦倭總兵官

甲辰巡撫廣西陳渠為右副都御史提督兩廣務

乙巳蠲賑金衢嚴災民 浙江

丁未賜雲南巡撫吳定等金幣前擊緬甸賊斬百七十餘級

戊申太常卿陳大科為右副都御史巡撫廣西

己酉朝鮮報斬倭千二百五十餘級焚舟一百二十艘

庚戌楊廷蘭朱爵趙完璧吳應明項應祥王嘉謨王佐侯廷

佩劉道亨盧明陬王如堅曹大成張文華盧大中為給事中

文華大中俱南京劉曰梧李楠姚思仁楊宏科吳崇禮方大

美薛繼茂吳弘濟王立賢崔邦亮李炳李日茂毛壽南宋興

祖謝朝佐蔡思穆曹學程蕭重望徐元正江珖柳佐蕭如松

陳惇臨段尚綉為試御史佐如松等俱南京

辛亥光祿寺卿呂鳴珂為太常寺卿

乙卯太僕少卿王汝訓為光祿卿

蠲賑確山封邱等州縣災民

十一月丁巳朔太僕少卿施策為太僕卿


鎮守保定總兵倪尚忠為中軍都督府僉書

己未禮部尚書郎中姜鏡劾司禮太監田義語多侵輔臣不

國權

萬曆二十年

三六



報尋削籍

庚申右軍都督府僉書尹秉衡為總兵官鎮守保定
浚泗州支河

辛酉禮部尚書羅萬化以御史陳登雲論其送故相張居正
天與人歸圖萬化奏辨乞休不允

壬戌賑寧夏難民

前漕運總兵懷寧侯孫世忠卒予祭葬

甲子旌卹寧夏殉難宗室官民李氏初亂計誘故游擊陳棟
棟不從因掠死故守備朱綬李承恩謀擒李劉事泄殺于北


樓指揮張佩趙承先謀獻西城事泄死各衛領兵官王極追
虜至古場兒被殺指揮王琦通官軍易糗糧賊覺磔死之百
戶陳漢給事撫臺以忌死百戶王徹嘗揭李氏侵餉恨殺之
百戶呂擢赴鎮河灘驅賊牛馬百戶王繼恃勇言欲擒賊百
戶張世傑屢輸寇情百戶姜應奎同宗子謀獻東城俱被殺
賊並死慶陽人任天慶寓寧夏與妻謀作鉄杵擊賊婦泄之
被殺

丁卯大理卿趙世卿為兵部右侍郎兼右僉都御史巡撫河

國權

萬歷二十年

二十五



南提督軍務

戊辰寧夏獻俘呼承恩承寵磔于市

夜火星犯氏宿

巳巳釋魏學曾獄削籍以學曾始惑于招撫其措置兵將亦終賴之

庚午巡撫雲南吳定為大理卿

乙亥鑄管理蘇松常鎮糧儲水利及提督備倭僉書各關防提督京城巡捕署都督僉事宋三晉為協守保定天津海防副總兵官

丁丑後軍都督府僉書杜桐提督京城內外巡捕

戊寅協理京營兵部左侍郎周世選為右副都御史兼戶部右侍郎總督倉場山西左布政使陳薦為右副都御史巡撫雲南

巳卯逮右通政司 穆來輔 按察僉事隨府以工科

給事中曹大成等劾其陷賊依違也獄上部擬削奪不許命永戍


庚辰禮部尚書李長春省墓

壬午兵部左侍郎徐元泰為右都御史協理京營戎政

國權

萬曆二十年

二天



南大理卿宋仕通政使楊廷楊並劾免

甲申戶部尚書楊俊民三年考滿加贈父吏部尚書博柱國

太師

丙戌 推官張士升為試御史

是月安南人鄭松計通邨民裴文奎等內叛襲殺都統使莫

茂洽

十二月丁亥朔教習庶吉士禮部尚書兼學士羅萬化巡撫延

綏兵部右侍郎兼右僉都御史賈仁元各回部

戊子巡撫四川艾穆致仕

己亥寧夏河西道副使蔡可賢致仕

庚子前右春坊右諭德吳中行為侍讀學士

太僕少卿張文熙劾罷

提督倉場右都御史張士佩新命被劾辭不赴

兵部上平倭賞格

辛丑禮部左侍郎黃鳳翔改吏部

東征兵漸集兵部罷播州兵不發

壬寅前提督漕運戶部左侍郎楊一魁為南太常寺卿


癸卯前提督南糧右副都御史曾于拱卒字

江西泰和

國權

萬曆二十年

壬午



人嘉靖 進士居官潔介好讀書設道年 十有 子祭

葬

甲辰禮部右侍郎范謙為左侍郎南吏部右侍郎劉元震為
禮部右侍郎

丁未 上念兩浙飢停徵舊租一年各省亦如之


戊申鄧以讚為南吏部右侍郎

壬子工部尚書曾同亨致仕吏部右侍郎李尚思論罷巡撫

應天劉應麒終養

大發兵東援朝鮮經略宋應昌左都督提兵官李如松誓師

七萬人渡大同江李如柏將左軍張世爵將右軍楊元將中
軍：容甚盛游擊沈惟敬還自倭請畫江為界如松止不遣
遂進師搃戎臺謁例索鞬叩首出易冠帶為加禮如松以提
督又負功竟鈞禮
是月 連城縣姑田里出竹米數萬斛民賴之



國權

萬曆二十一年癸巳

正月丙辰朔 上不豫

辛酉總督兩廣蕭彥奏暹羅關白有勤王恤鄰之義

壬戌前叅將總兵官署都督僉事陳璘為統領薊遼保定山

東等處防海禦倭副總兵

甲子提督操江南右僉都御史朱鴻謨為右副都御史巡撫

應天蔡國珍為吏部右侍郎


國權

萬曆二十一年

一

[Faint bleed-through text from the reverse side of the page, including characters like '萬曆二十一年' and '國權']

國家圖書館, NATIONAL CENTRAL LIBRARY, TAIWAN, R.O.C.



南刑部尚書辛自脩為工部尚書

乙丑前南刑部尚書陳學其卒字

山東登州人嘉靖甲

辰進士贈太子少保謚恭靖予祭葬

丁卯右都御史徐元泰為南刑部尚書左僉都御史李楨為

左副都御史大理少卿張養蒙為南右僉都御史提督操江

已巳屬夷長昂犯遼東大毛山堡叅將樊尚禮等落職

庚午大學士王錫爵入朝

光祿卿王汝訓為左僉都御史

甲戌大兵克平壤李如兵松至肅寧倭使眾迎沈惟敬寔覘

我命縛之倭猝起格鬥止擒一二人如松按游擊李寧申令

一軍股栗進次平康箕子所都也城據山上旁多林翳可伏

旦夕城下倭守小西門我攻城東南倭發矢石如雨軍稍卻

如松手斬先退者以殉募死士援梯鈎而上殺數人不退倭

悉眾來拒奇兵間道趨小西門赤幟出堞上我軍望之益力

吳維忠中鉛血殷踵奮呼督戰如松馬中炮易而進遂破倭

斬渠帥宗暹平秀忠平鎮信等斬級五百有奇是日大風


雨晝冥涓水為沸倭北走大同江先使人斫江冰溺死亡美

追及開城又斬數百級已阻臨津而陣倭走王京

國權

萬曆二十一年

二



設遷曰隋唐傾天下之力以事高麗始而銳終而怯厥功
不揚李將軍慷慨臨戎平壤之戰氣吞狡夷名都立墮方
乘破竹之勢謂前無堅壘碧蹄稍拙而鼓音衰息議者多
為李將軍惜然始所推敗亦足暴于天下矯虎臣李將
軍固一時之雄也

總督薊遼保定兵部右侍郎郝杰協理京營湖廣左布政使
陳用賓為右僉都御史巡撫雲南
丁丑王錫爵密揭請三皇子並封王 上善之曰朕日昨上
讀祖訓云立嫡不立庶况皇后年尚少今卿奏將三皇子暫

封王少待數年皇后無出再行冊立御札至閣錫爵獨袖歸
秘第復擬二諭曰依明德皇后抱妃子為子曰三王並封
命經略宋應昌督厲將士亟攻王京蓋朝鮮所都也李如松
乘勝略地至碧蹄館距王京三十里僅領三十騎前倭追之
奔中矢且盡一首急縛如松指揮李昇力救裨將楊元援之
圍解退屯開城


兵部右侍郎顧養謙為左侍郎兼右僉都御史總督薊遼保
定軍務

已卯免淮揚廬鳳萬歷十八年以前藥材牲口銀

國權

萬歷二十一年

三



吏部內計舊先白閣臣至是尚書孫鑰同郎中趙南星力持
正盡斥私黨王錫爵不悅

庚辰勅旌潘王程堯賢孝

刑部右侍郎趙參魯為兵部左侍郎

詔督撫久任時御史李炳吳弘濟論郝杰驟遷 上然之命
以命仍久任

樂昌地震

二月丙戌朔京察竣免少卿鄭洵年徐泰時餘降調有差

庚寅提督四夷館太常少卿周思敬為光祿卿

詔朝鮮國王李昖還居平壤

貴州貴陽大風雹

辛卯王錫爵疏引三誤乞容改正 上報曰朕耻為臣下挾

制卿自引咎置朕何地三子俱不必封少俟一二年中官無

出再行冊立始錫爵負氣節自請並封恣物議朝臣俱奏止

惟國子祭酒曾朝節獨否

設遷曰太倉歸省年餘別無建樹亟為馬以並封請謂非


迎合 上指抑大臣納約自牖其道如是乎初擬二諭欲

元子取養中官在唐宋有之其事陋而不經中官母儀天

國權

萬曆二十一年

四



下則百斯男孰非其子必襁以爲德又閭巷之見也設並
封果行數年而婚未几而就國誰能止之漢儒稱守經以
行權未達乎經而覬權之萬一則引誤之說所自來矣
巡撫陝西姚繼可言西虜求款市宜如隆慶五年來勿拒背
勿責從之

甲午諭浙直福建廣東沿海等處防倭陝西道御史毛壽圖
言之也

丙申科道拾遺御史劉士忠等糾戎政右都御史蹇達吏部
右侍郎李尚思前詹事劉虞夔少詹事黃洪憲南戶部右侍

郎余懋學兵部右侍郎蔡汝賢右通政徐一楨皆月旦不容
官箴有玷遂罷懋學汝賢一楨勘達汝憲餘留又論南工部
右侍郎張櫓通政司杜其驕刑部右侍郎傅孟春南祭酒余
孟麟

誅四川建武營悍卒先是調劉繼東征兵畏行而譁命誅其
首禍

己亥御史高舉等請冊立豫教章下所司


辛丑前南大理卿王湘卒字 山東濟寧人嘉靖乙丑進

士拜御史至今官

國權

萬曆二十一年

五



壬寅山東蓬萊知縣董守緒侵帑命永成
癸卯屯倭王京經略宋應昌求濟師兵部議以南兵成登萊
者援之


乙巳慶府鎮原王伸培上書求賑乞移封內地不許竟賑之
三月丙辰朔南京察罷御色黃正色太僕寺丞趙卿高維嵩戶
部郎中張問達喻應台等餘降調有差

鑄雲南羅次縣儒學印

吳中行為侍讀學士編脩林承芳為浙江布政司右叅議
錄征倭功賜如李松楊元李如梅等金幣

戊午告捷郊廟


己未刑科給事中劉道隆論吏部負外郎虞淳熙兵部郎中
于庭臺省交摘而吏部曲為解僅議一主事袁黃非體有旨
責吏部回奏尚書孫鑑言淳熙臣鄉人安貧好學非有先容
之助于庭任西事有功尚書石星亦言之臣不忍以功為罪
且既命議覆自有異同惟各原其心求歸于當若知其無罪
忽以科道之言而去之昧心欺君臣不能為亦非勅臣議覆
之意也 上以不引罪奪俸三月郎中趙南星降二秩調外
淳熙等並罷劉道隆以不指名亦奪俸鑑乞休不許鑑復奏



曰人臣之罪莫大于專權國家之禍莫烈于朋黨夫權者人
主之操柄人臣所司謂之職掌吏部以用人為職進退去留
屬焉然必請旨而後行則權固有在非可得專也今以留二
庶僚為專權則無往非專矣以留二京官為結党則非往非
党矣臣任使不效徒潔身而去俾專權結党之說終不明于
世將來者且以臣為口實又大罪也伏乞特加省察并賜骸
骨先是內計去留先白閣臣龔及南星力持正畫斥私党王
錫爵不悅淳熙本清士其補吏部呂亂昌之闕即龔甥也其
詆賄代揚于庭侈力寧夏叙功惟袁黃稍經謀擬降益忤閣

臣矣尚書被譴責于是左僉都御史王汝訓通政司魏允貞
大理少卿曹乾亨禮部郎中于孔兼員外郎陳泰來主事顧
允成張納陛賈囁國子助教薛傳教俱論救禮部郎中何喬
遠主事主事洪啟睿復合疏言之謫孔兼安吉州判官允成
光州判官敷教光州學正

沈演曰癸巳之廷諍盛衰之際乎君子之氣且真且厚無
如此時所爭者大陳義甚正本不為已動可得而柔耶故
雖至尊不得不商量別處之法此非不美之象也惟不見
謂拂而能相持以久即吁拂何異矣乃竟逐而不復者




六人而五悲夫君子非欲傲不能為隨上容士為與直士
狗上為變塞君子國之元氣何不念也

庚申朱廷益為南大理寺丞時吏部推周元標而廷益附之
上用廷益又推元標應天府丞不報于是南戶科給事中顏
文選上言元標當錄上怒元標輕試肆降文選浙江按察
司知事

辛酉以戶科給事中王建中等閱實廐馬下司禮太監王坤
減料二千石芻十萬束
先祿寺卿王汝訓上言本寺歲入共二十三萬有奇而十八

年十九年供應簿歲費二十四萬有奇不勝駭汗臣嘗備員
寺丞少卿昔歲用不過二十萬隄六七年費滋至此若盡出
乘輿玉食之供與兩宮孝養之具臣何敢輕議唯是上下相
蒙轉相倣效延至今日勢難少待按會典凡內外衙門官吏
監生人匠等應給酒食俱本寺支給餘如回、哆思麻等書
士常鑑等調土臣柏達等傳賜越十年餘仍日支酒飯此等
冒濫不可殫述乞覈各官名下酒飯應兼支半支住支又如
西三夷進貢經年累本寺歲費數千金宜勒限趣還又會典
本寺日給內府衙門官吏監生錦衣衛將軍力士及各監局




等衙門軍民等近據各衙門冊報半屬成弘間人又按十五年後六科廊匠經厥匠織染局匠各請增數千人不知果繫部文投補堂、天朝使人竄名為糊口計法紀謂何乞開除文年久物故者明開某年月日部文增收各役親詣閩給草其詭代不允

甲子增准揚沿海叅將

禮部員外郎陳泰來論察典曰臣叨第十七年四歷京察丁丑則故相張居正以奪情故用朱璉策借星變計吏箱制衆口楚人方逢時署部事郎中劉世亨依違順氣掃除異己辛

巳則居正威福已成王國光唯諾惟命郎中孫惟清鄙人也與秦耀設謀禁錮建言諸臣丁亥則臺省楊廷相馬允登側媚當路誣陷善類御史王國面折之其說不盡行而尚書楊巍自許模稜郎中徐一楨主于調停涇渭失辨何起鳴幸免張正鵠誣斥頃者庶官拾遺下部覆議虞淳熙素擅才名楊于庭西功未叙袁黃方贊東師訣部酌評蓋有深意科臣劉道隆遽行糾摘閣臣駕言聖斷識者扼腕而不平此其故可推也夫尚書孫鑰割渭陽之恩于呂胤昌趙南星忘秦晉之好于王三餘是誠難事今以評品為秘科臣或有獨見閣臣



得無微指耶部權自高拱張居正以來尚書除張瀚嚴清外
選郎除孫鑰陳有年外奔走請教一一稟承濫觴于楊巍而
掃地于劉希孟謝廷案今復借拾遺處分熒激聖怒即昨年
之故智將來必挈權以阿閣臣而後為不專權必植黨以附
閣臣而後為不結党 上怒降泰來
乙丑予故巡撫遼東王汝梅祭墓字 直隸安肅人
王錫爵連乞休不允
己巳雲南緬甸賊入犯官兵禦卻之
辛未楊時喬為應天府丞

議處宣大屬夷立頭目各駐牧從優撫賞則彼此不相統從
總督蕭大亨議
壬申以史酋子吉妹并字羅等率眾來歸仍撫賞
癸酉寧夏通卒鍾普等五十一人自虜營來降賞其罪又虜
着力鬼縛獻叛卒七人誅之

甲戌 公主薨


乙亥故左都御史軒輅贈少保謚端肅

丙子詔東征將士暫還遼東湖廣道御史薛繼茂言官兵已
深入倘賊斷鳴綠江歸路可柰何宜乘勝觀變戒李如松輕

國權

萬曆二十一年

十



敵從之

丁丑勅朝鮮國王招諭降倭軍民

癸未左都御史李世達請宥陳泰來虞淳熙等。上不憚趙

南星虞淳熙楊于庭袁黃各削籍

安南莫敦讓告急

四月丁亥錄寧夏功進李如松太子少保蕭如薰都督同知進

葉夢熊右都御史朱正色右副都御史梅國禎太僕少卿餘

各有差

戊子山東館陶天鳴

辛卯臨漳王載墪薨

癸巳浙江按察副使陳三策削籍以巡按御史李唐論其託

疾擅離三策計奏非體也

南侍讀學士吳中行罷

南戶部尚書張孟男致仕

癸巳議沿邊括庫藏募輸粟

甲子予撫寧侯朱繼祖祭葬


乙未貴州總兵官侯之胄有罪免

丙申立慶府宗義坊旌故壽陽王倪燠鎮國將軍高梓等又

國權

萬曆二十一年

十一



立表烈坊旌節婦范氏王氏謝氏李氏

丁酉賑慶府貧宗五千金

戊戌雷震 孝陵大水

倭悔禍求貢兵科給事中張輔之言貢可許四可議七給事

中許弘綱侯廷佩御史宋興祖各言不可信章下所司

辛丑吏部尚書孫鑰罷右侍郎蔡國珍攝部事

黃汝亨曰昔范希文坐丞相呂公罷呂公亦罷士大夫各

持二公曲直呂公患之凡直希文者皆指為黨斥逐略盡

及呂公復相希文亦召用二公懽然僂力天下士雖皆以

此多二公然朋黨之論遂起而不可止嗚呼呂公且然而
又况不為呂公者乎此世道之憂深識者以為古今一轍
也夫

壬寅巡撫山西呂坤言五事裁冗員免宿逋寬帶徵別分數
嚴催科從之

裴應章補戶部左侍郎工部右侍郎褚鈇為刑部左侍郎太
常呂鳴珂為通政司使


寺卿

癸卯雲南左布政使林喬相為右副都御史巡撫貴州太常
寺卿楊一魁為南戶部右侍郎總督糧儲

國權

萬歷二十一年

十三



倭出王京初平秀吉據龍山倉李如松遣叅將查大受間道
焚其粟數十萬李寧祖承訓軍開城楊元軍平壤李如柏軍
寶山查大受軍臨津而如松身往來節制俄沈惟使敬倭云
許獻王京歸朝鮮王子陪臣是王京而南退屯釜山如日出
松入王京餘粟數萬芻菽是朝鮮几定

乙巳江夏王英燠薨

丙午王錫爵請視朝不報

南吏部尚書溫純改工部尚書少詹事習孔教為南禮部右
侍郎左僉都御史王汝訓為右副都御史巡撫浙江光祿寺

卿胡嘉謨為南太常寺卿

丁未神機營左副將署都督僉事陳汝忠為總兵官鎮守貴
州寧夏副總兵署都督僉事麻貴為總兵官鎮守延綏

己酉光祿寺卿周思敬為太常卿江西左布政使周思文為
順天府尹山東左布政使傅作雨為南光祿寺卿

庚戌南右都御史陳有年為南吏部尚書侍讀學士陸可教
為祭酒


辛亥諭釋輕囚

壬子傳制封慶成王在竣德興王戴焯吉安王載堞延長王

國權

萬曆二十一年

十三



縉煖弘農王仲謹臨漳王珣鄧江夏王華壇
五月甲寅朔遼東鉄嶺衛火

巡撫山西呂坤為左僉都御史赴院

發德州倉粟二萬石賑直隸滄州河間飢

丙辰摠兵官鄧子龍罷

戊午右春坊右庶子兼侍讀劉楚先為少詹事兼侍讀學士

纂脩玉牒左春坊左庶子兼侍讀馮琦署院事洗馬兼脩撰

楊起元為南侍讀學士

庚申薊鎮青山口雷大焚臺內火箭死官軍數十人

辛酉王錫爵上表交要務四事題覆宜慎聽納宜公甄別宜

先勘核宜審 上是之

甲子戒遮留地方官時通州人奏留知州馬有慶御史高舉

言保留成習下部申飭從之

己巳發預備倉穀十五萬石賑順天飢

南史料給事中陳容淳以雷火請冊立不報

辛未前少傅大學士郭朴卒字 安陽人嘉靖乙未進士


官編脩進侍讀纂脩會典進右春坊侍讀學士禮部右侍郎

陞南禮部尚書改吏部加太子太保以武英殿大學士入直

國權

萬曆二十一年

十四



累少保少傅致仕醇謹終始年八十三遐齡童望人不可及
予祭葬贈太傅謚文簡

甲戌吏部左侍郎趙煥為南右都御史總督倉場右都御史

兼戶部右侍郎周世選為南戶部尚書右通政魏允貞為右

僉都御史巡撫山西

薊鎮屬夷長昂犯邊

辛寧夏褒節祠常信堡百戶陳縉又立顯忠祠祀游擊梁祀

琦守備馬承先總旗安餘學等四十一人百戶陳漢等指揮

使王琦等六十九人

乙亥總督陝西葉夢熊加兵部尚書

丙子賑鳳陽淮揚飢

五軍營右副將署都督僉事馬應元提督京城巡捕

已卯署都督僉事陝西總兵官董一奎為五軍營右副將

前總督倉場戶部右侍郎林應亮卒字福建侯官人嘉

靖壬辰進士官知縣進內部主事至今官年十予祭葬

子如楚


辛巳庶吉士董其昌為編脩

蘇州知府石崑玉為山東按察副使領兩淮鹽運司使時科

國權

萬曆二十一年

十五



臣議重轉運之選崑玉治最特任之

命總督兩廣軍務陳藻相機處置安南時鄭松復擒莫敦讓于大菱村莫履机等奔嶺東欽州莫敬恭莫履遜奔廣西思陵州莫敬邦有衆十餘萬起京北道用武汝諧等攻走黎黨敬讓得復歸衆推敬邦署都統使諸僑居欽州思陵者護出境未几黎兵轉攻南策州殺敬邦而莫敬邦璋屯新安敬恭敬用屯諒山懼黎氏追亟竄憑祥龍州境上


設遷曰莫登庸拔起漁戶至微賤也俄傾黎氏之世社非驍雄其果能若是乎帶甲數十萬弱子單孫遽奄不振

奔竄無虛日昔以匹夫奪人國而有餘今跨州連城負山據海全有嶺外一身而不足故曰慮為功首謀為賞本

今之莫氏將毋謀慮失之耶

張直隸寶坻武清東安香河飢

江南邳州高郵寶應大雨水湖決壞隄沈邱大霖雨傷稼六月甲申朔兵科給事中侯慶遠言勤屬國數道之師以力爭平壤以權收王師京挈兩都授之存亡興滅義聲赫海內矣全師而歸所獲寔多詔漸撤師經略宋應昌奏釜山雖瀕南海猶朝鮮境有如倭瞰我罷兵突入再犯朝鮮不支前功盡



棄我救朝鮮非鄉鄰鬥比朝鮮國則薊遼無虞兵宜協守即
議撤當少需時日俟倭盡歸量留防戍

乙亥南禮部尚書王弘誨致仕

丙申予故工部尚書辛自脩祭壘贈太子太保

緬面莽應禮以孟璉長官司求救貢許之

戊戌江南太倉州治火藥樓災

己亥東征兵歸 大詳

鑄福泉興化海防同知閔防山西東路菟糧管礦各閔防

丙午前河南布政司右叅政吳國倫卒字明卿江西興國人

嘉靖庚戌進士授中書舍人進科給事中調外歷今官博
洽攻文所著觀甄洞稿續稿行世年七十三

馮夢禎曰自屈宋下楚才何其侈耶明卿先生起嘉隆間

其緣儒飭吏寬猛適宜牧宰監司悉善其職尤足為文士


吐氣惜其不大用今以觀甄終也然其著書表見遂與弁

州伯仲采詩國朝者吳楚其大風也哉

辛亥吏部推鍾羽正兵科都給事中 上以羽正被譴奪司

官俸

申飭京官非二品以上不得輒辭瀆御史趙標言近來廷臣



皆節讓成習 上然之

壬子巡撫江西邊維垣為南工部右侍郎南大理卿王樵為南刑部右侍郎陝西右布政使劉光國為右副都御史巡撫陝西

七月癸丑朔吏部左侍郎兼侍讀學士黃鳳翔為南禮部尚書山西左布政使陸萬鍾為右僉都御史巡撫江西
丙辰 榮河縣大雨冰雹傷稼
丁巳禮科都給事中張貞張請親廟祀章再上不報
前吏部尚書王國光買妾婦李氏致自刎巡按山西御史喬

壁星以聞遂奪秩如不謹如例閣住

設遷曰王國光里居與邑令不相中時春秋高娶妾非其意也婦適死令齟齬而張之國光故善江陵往坐敗未奪秩而以他事累車不躡于羊腸而躡于康莊國光之謂也已未蠲河南獲嘉縣逋租


前南禮部尚書秦鳴雷卒字 浙江臨海人嘉靖甲辰進士第一官脩撰進左諭德歷禮部侍郎遷詹事乞休起令官致仕年 十予祭葬吏部謂其品不當謚

辛酉御史彭應亨參言倭貢不可許碧蹄敗績大將僅以身

國權

萬曆二十一年

十八



免倭何震之有而云乞哀求貢不過經略久在異域陰許之耳章下所司

丙寅御史王立賢乞時御朝如十五年以上不報

辛未宣陝西之捷

壬申倭還朝鮮王子陪臣自釜山移西生浦

癸酉許教官雜秩任本省佐貳首領官亦選授隣近從御史

薛繼茂之奏繼茂又上獄情八事罪臣當錄委官多誤云

上議行之

乙亥夜彗逆行入紫微垣犯華蓋星

巡按福建陳子貞請開洋禁章下所司

丙子 霍山霍邱大雨水傷人畜亡美

丁丑協守洮岷副總兵劉承嗣為總兵官鎮守四川


巳卯河南固始南山蛟蜃同起大雷雨水溢淹人畜

辛巳虜寇遼東夜火星逆行室度

河南衡州火

八月壬午朔山西洪洞霍州地震

定御史差選先是御史徐申言北臺差多而選多今日益濫南臺差少而選少今日輒避宜及行取之期加意裁節南北



無低昂除用亦無迴避雖避原籍非選受也今因差妨人遂
因人妨制不以人避差却以差避官臣竊惑之報可日益滋
詔通海禁

癸未王錫爵以星變言天以皇上為子 皇上以太子為子
就一家而言此足相當 天子之象帝星太子之象前星就
三垣而言又最相近方令禳禁第一義莫如早冊立 上慰
答之

魏國公徐惟治卒
甲申王錫爵再請冊立

丙戌召大臣會極門論脩省又曰往朕勅督撫官條各塞優
郵事宜今年餘不見報何也

丁亥南吏部尚書陳有年改北

己丑安徽潁州大水頃刻百餘里溺人畜比美


庚寅右春坊右中允署司業劉應秋回部兼翰林院

南司業馮夢禎為南右春坊右諭德署翰林院

辛卯減造南京紗衣蟒襪三分之一

壬辰劉元震為禮部右侍郎兼侍讀學士盛訥回部

邢玠為南兵部右侍郎趙世卿孫鑛為戶刑部右侍郎



癸巳命四川貴州撫按訊楊應龍罪狀

甲午太白晝見井度

吏部左侍郎兼侍讀學士陳于陞為禮部尚書兼學士

調巡撫寧夏朱正色加河南左布政使張更化太僕寺卿致仕俱被論

乙未王錫爵諫催蘇杭織造不報

鄭汝璧為右僉都御史巡撫山東梅國楨為右僉都御史巡撫大同

辛丑先是禮科右給事中朱爵言廷推冢宰已用禮部尚書

羅萬化旋寢疑輔臣授意乞 皇上宸斷以息異議其語侵

趙志臯張位 上詰其由則侍郎趙用賢意也以爵妄論摘山西按察司知事御史甘士价等疏救下所司

壬寅周思敬為南大理卿吏部右侍郎蔡國珍為左侍郎鄧以讚為吏部右侍郎

癸卯庶吉士包見捷為戶科給事中

賑淮揚灶戶


甲辰太僕寺卿徐作為太常寺卿

署都督同知鎮守延綏總兵官董一元為中軍都督府僉書

國權

萬歷二十一年

二五



丙午編脩李道統為南司業周應賓為北司業太常少卿劉元霖提督四夷館

丁未以建南土夷啟隙通判張材降都指揮潘繼祖除名


庚戌左春坊左庶子兼侍讀馮琦為詹事府少詹事

九月壬子朔巡撫山西呂坤請嚴嵩薦舉連生法劾叅議和震副使陳九疇平陽知府任甲第屬官多不肖止報一人幽本當黜而注云可薦叅政李琦僉事周應中未嘗未巡而考政致以循良貧懦當罰上大是之下部院科道如典例
癸丑以淮安鳳陽揚滁存留夏稅量賑飢民水災

右春坊右諭德兼侍講余繼登為左春左庶子兼侍讀洗馬兼脩撰蕭良有為右諭德兼侍講右中允兼脩撰李庭機為洗馬

丙辰工部尚書溫純終養

戊辰兵部尚書石星言宋應昌遣使行間臣寔與謀今科臣張輔之等疑書揭之異同按臣周維翰嘅事机之已去尤在封貢之事倭本難信雖退還王京送回王子跡似效順然封號不可假况行尚在西生浦闕白未具表文宜勅經略速諭行長率衆歸巢毋得留滯上如之




庚午兵部主事曾偉芳言倭款亦去不款亦去款亦來不款亦來蓋閩白大衆已還僅遣小西飛三十餘人至王京乞首行長留待知我兵未撤不能以一矢相加遺也明甚欲歸報報白捲土重來則風汎不利正苦冬寒故曰不款亦去沈惟敬前在倭營講購咸安隨陷晉州垂援而欲待款冀來年不攻則速之款者速之來耳故曰款亦來為今日計宜朝鮮自為守弔死問孤練兵積粟如李昞不任令退閑立光海君璋又不然令衆建王族章下兵部

壬申命石星錄囚

癸酉起吳文華南工部尚書李涑右僉都御史巡撫保定改衷貞吉工部尚書胡嘉謨大理寺卿

甲戌夜火星逆行入室度

丙子勅朝鮮國王李昞曰爾國雖介海中傳祚最久近者倭奴一入而王城不守原野暴骨廟社為墟追思喪敗之因豈盡適然之數或言王偷玩細娛信惑群小不恤民命不脩軍實啟侮誨盜已非一朝而臣下未有言者前車既覆後車可不戒哉惠徵福于爾祖及我師戰勝之威俾王之君臣父子相保豈不甚幸第不知王新從播越之餘歸見黍離之故宮




燒殘之邱隴與素服郊迎之士衆嗟臍疾首何以為心改絃
易轍何以為計朕之視王雖稱外藩然朝聘禮文之外原無
煩三兵一役今日之事止以大義發憤哀存式微此固非王
之責德于朕也大兵且徹王今自還國而治之尺寸之土朕
無與焉其可更以越國救援為常事使爾國恃之而不設備
則處堂厝火行復自及猝有他變朕不能為王謀矣

葉向高曰隋唐之際高麗勁矣觀其勤萬乘抗前旌固東
夷之雄也明興濡沫仰流皇風淪被俎豆詩書為冠帶之
國聲教遠矣彼威之而不來此柔之而愈服雖招携有經

亦先聖之遺化也成桂初興逆取順守引于茲今藩封勿替
可謂威矣而襲休日久積弱形成 高皇前言徵于左券
神聖亦所豫謨有國家者曷可少忽乎哉

朱國楨曰朝鮮強弱馴暴先後迥異然不難于事我明而
難于事宋不難于抗隋唐而難于抗元宋之奄、即傳渡
海之使其柰之何執禮不廢料女直如指掌隋兵躡適以
自斃唐兵驕不能持久元以蓋天之勢切近攻之數十年
不能舉此豈地利人和之足恃獨有忠臣為之死抗所謂
國于大地必有與立蓋以此也即倭難有權慄李元均元



翼等各自奮立功慄欲東奔志在糾合興復清正行長終不得肆若謂非中國救必折而入于倭則元與隋唐何以退聽至今其國依然也

南右都御史趙煥予終養南太僕寺卿徐用檢為南太常卿
丁丑予故南刑部尚書陳道基祭墓
已卯貴州左布政使錢溥為南太僕卿

命給軍士布花期十月初旬著為令

十月甲申山東督撫旂刃皆出火有聲

乙酉劉綏為倭倭副總兵署都督僉事暫留朝鮮

丙戌武進江陰等縣大雨雹傷稼

丁亥南戶部尚書周世選等以戶部郎中鄭材因侍郎李楨駁其所論趙吳姻事語侵其父洛爭辨擬材
存堂屬


之體

庚寅淮府紹興王厚燦薨

辛卯郝杰為南戶部尚書大理卿胡嘉謨為刑部右侍郎

癸巳禁提督兵官稱疾枉歸

乙未沈思孝為大理卿賈仁元為右都御史兼兵部右侍郎
協理京營



丙申命停刑

丁酉臨朐王翊鉞有罪下閑宅候訊
戊戌陝西白馬城堡星隕大如斗天鳴

己亥張一元為右僉都御史巡撫雲南
故南兵部尚書郭應聘謚襄毅


庚子故南禮部尚書林燠謚文恪

辛丑免湖南寶慶長沙荆襄水災田租賑之

安南都統使莫茂洽之出奔也莫敬邦以十萬人拒鄭茂遣
世父莫敦讓來告急因引孫一人弟九人族屬五十人直走

永安求居欽州御史徐元正奏朝鮮與安南殊科朝鮮中國
之門戶勢自當援今安南遠在萬里之外亦請比以援之此
于策不便且欽州寔雷廉門戶珠池在焉有如一日不可知
則百粵五嶺豈得高枕而卧乎事皆下兵部石星謂御史言
是趣提摠督諭莫敦讓還國

安南黎維潭與 宣撫黃廷爰叩闕求貢左江道僉事張
璧上之來牒用國王金印而世次與故府所載稍異又詰印
何自先是巡撫廣西陳大科上言蠻夷易姓如奕棋然不當
以彼之叛服為順逆惟當以彼之叛我服我為順逆斯机權



在我無庸以最土而遽興兵願維潭將恢復是圖而莫茂洽
故職方之貢也倘如先朝故事命大臣致討聽其欺罔請罪
比諸漆馬江以不剪莫祀惟聖明裁之
壬寅吏部起削籍科臣張棟奪尚書二月降司官雜秩閣俸
臣申救 上切責部堂免奪俸司官謫外已科道交救以許
弘綱首之奪俸四月餘各二月
左都御史李世達世致仕世達議趙用賢絕婚為是戶部郎
中鄭材論之遂乞休閣臣擬留上方怒吏部允其去
命總兵官不得擅自請告

戊申山東災蠲賑有差

十一月辛亥朔外刻日當食不食
蠲杭台紹興寧波存留夏稅

乙卯謚魯府福安王壽鈔曰憲惠


已未先是鄭世子載堉自以鄭簡王第四支不宜越封累奏
讓爵推長載璽禮部議成憲難易如世子堅遜聽以世子號
終封其子翊錫以繼其統命下撫按

癸亥賑河南葉縣礦徒時多飢盜撫治鄖陽右僉都御史董
裕奏各礦盜乞厚卹以散其黨 上從之因發彰德懷慶衛

國權

萬曆二十一年

二十七



輝漕粟九萬餘石輸河南分賑

甲子刑部尚書孫丕揚為左都御史

丙寅諭 皇長子出閣用常禮待冊儲始冠

緬甸酋莽應禮來貢

巡撫四川王繼光奏播州楊應龍不聽勸更虐土民繕兵器
巡撫貴州史林喬林相亦奏其惡請法 上命便宜擒治不

許貪殺

丁卯謚益府黎邱王常漆曰莊懿淳河王常洵曰懷僖晉府
河中王知矩曰恭靖

折杭湖嘉興漕米

已刻 東安縣西北天鳴

戊辰蠲賑安徽望江太平等州縣

己巳萬壽節 上御皇極門受賀畢召閣臣王錫爵于煖閣
錫爵求冊儲 上曰朕意久定豈為人言所動又曰倘中宮
有出柰何錫爵曰 皇長子年十三無曠學之理又請速斷
上溫諭良久乃退


趙煥為刑部尚書程拱宸為南通政使

兵部言經略宋應昌于十月二十三日遣沈惟敬諭倭閱月

國權

萬曆二十一年

二天



至海上又閱月方通日本又月餘而後知表文至否則歲終
事也提督李如松報倭衆浮海有行長兵千餘守候小西飛
回信亦然則久戍非宜即將吳惟忠駱尚志等留守南北盡
徵官兵仍留劉綎聽擇地駐札兵科給事中吳文梓言撤兵
是也為善後計則否今日議貢明日議封僅能誘之至西生
浦尚乘虛而入劉綎數千之師果可禦強倭乎命兵部議
辛未先是行人高攀龍申救得罪諸臣語侵閣臣指戶部郎
中楊應宿為諂諛應宿諶趙用賢絕婚非是應宿遂訐樊龍并及吏部文
選郎中劉四科趙南星及顧憲臣等奏下閣擬王錫爵封應

宿疏上

南吏部右侍郎鄧以讚引疾去

祭故南右通政吳自峒

戊寅趙志舉張位請冊立不報

巡撫山西呂坤言宗藩二要嚴騙嚇之禁重輔導之臣從之


閏十一月辛巳朔諭王錫爵曰冊立少候旨明春豫教出閣禮

又第^三子併行或先後行之錫爵請皇三次子少遲一二

年上優答之諭禮部明春皇長子出閣講學不許漬擾

壬午順天諸生鄭承恩請冊立上怒除名外戚錦衣衛帶

國權 萬曆二十一年 二十九



俸都指揮使鄭國泰伯父也

癸未夏鎮工部郎中余繼善追賑荆籍

乙酉蠲賑宣府大同

戊子子故戶部右侍郎蕭彥祭墓

尤繼先為征虜前將軍總兵官鎮守遼東

辛卯謚萊陽王勤墀曰莊懿

裁長蘆運司儒學

壬辰巡閱御史吳弘濟劾楊應宿 上怒弘濟不候處分奪

續救降二級調用王錫爵揭救

甲午行人高攀龍上言大臣則孫鑰李世邁道趙用賢去小

臣則趙南星陳奏來顧允成薛傳教張納陞于孔蕪賈巖斥

近李植曾乾亨復乞去選司益化鯉等又斥去中外俱曰輔

臣不附已則曰近侍不利用正人果謂出于聖怒則諸臣自

化鯉而外亦未見忤旨何以皆至罷斥 皇上有去邪之果

斷而左右反得行其媚嫉之私 皇上有容言之盛心而臣

下反遺以拒諫之誚其為聖德累不小也


丙申左都御史孫丕揚覆楊應宿激而慢罵高攀龍疏而易

言均宜處分命降應宿湖廣按察司經歷攀龍揭陽典史仍

國權

萬曆二十一年

三



諭建言諸臣時事艱難不求理財足兵等寔政乃誣捏是非
部院公論所出今後務持平覈實
戊戌定臺差法孫丕揚等言舊御史巡按始必中差滿而得
代輪次遞擬近者多變乞仍其
擇人廣貴即遠不遣初授以防擇地江浙即大不再酌差以
防擇差不中差者亦甚缺人不按差不歲深者雖甚遠不擬
代不循次者非果南北原籍不易處 上善之著為令
己亥御史黃紀賢等奏救吳弘濟奪首俸一年餘七月降弘
濟極邊雜秩

御史周維翰言川兵戍朝鮮冬間被殺傷數百不報命宋應
昌按之

庚子給事中吳文粹等奏救吳弘濟奪首俸一年餘七月弘
濟削籍

有囚盜兵仗局庫銅計千餘金刑部擬斬系雜犯送司禮監
充淨軍 上謂當斬疑司官賣賄謫外


十二月庚戌朔御史宋興祖言各塞零級宜類報省直荒盜宜
預防武舉孫如晁瀆奏朝鮮事大謬宜罪戶部郎中鄭材訐

奏李楨宜調 上從之調材南京

國權

萬曆二十一年

三



癸丑禮部左侍郎范謙教習庶吉士


丙辰王錫爵以皇長子出閣傳買金玉三十餘萬乞停止
臣意明諭部臣即冊立錢糧令從容辦納
改盛訥吏部右侍郎

命顧養謙往遼東料理歸軍

命經略宋應昌提督李如松還朝改顧養謙經略

設遷曰司馬懿攻公孫淵于遼東道四千里計往百日攻
百日還百日以六十日為休息一年可矣閔白之役得無
類之乎然而還師之遽也何遽乎曰碧蹄雖敗李將軍僅

二十騎略地中伏得以身免意外小挫全師自如而果李
將軍賈余餘勇鼓行而前王京且立下無如李將軍之餒
也倭棄王京亦奪于平壤之戰攻難守易少易其所難故
卷甲去之非果中沈惟敬之餌也殆惟敬括舌如波濤倭
亦且前且却超超進退未即回巢其心豈一日忘朝鮮哉
我師四萬人聚之則強散之則弱宜耀武王京之南少需
歲月彼知官勢內虛其叛亦速後竅再舉于勢尤難惜乎
撤兵之計為日尚早徒恃細人熒亂天討是以有異日之
勢也



辛亥前少保禮部尚書徐學謨卒字叔明江南嘉定人嘉靖
庚戌進士授禮部主事歷郎中出知襄陽與景王爭沙市襄
人德之累進尚書治壽宮招議而申時行終狗之居鄉未慎
致奪廢

乙卯閣臣等請 皇長子冠禮 上命常服出講俟冊立後
冠之

己未命順天府尹禱雪

辛酉太僕寺卿孫鏜卒予祭葬

人隆慶戊辰進士

王錫爵請枚卜

祭酒曾朝楫為少詹事

壬戌楊濬為署都督僉事總兵官鎮守陝西

甲子孫繼皋為禮部右侍郎


戶科給事中吳應明言東征當少增糧餉不當請還兵當屯
朝鮮之可黍可穡務為耕種留兵協守開平王京以固其防
不當散守各路諸嶺以分其勢而胡為遽議撤乎撤兵之議
起于如松宜宣慰如松務拒倭歸巢仍諭宋應昌移駐王京
章下兵部

乙丑召禮部尚書羅萬化

國權

萬曆二十一年

三三



清豐知縣周玄晞為南御史玄晞謁吏部抗言不宜南部劾
降三級謫

戊辰湖廣崇陽諸生王廷試父仰知閩縣僕王效真等毒之
奔其喪訟未決廷試忿甚手刃逆僕上贖之不為例

庚午南御史蕭如松言臣為貴陽府推官嘗往勘播州楊應
龍稔知其人無他端上是之遂免遣官

蔡國珍為吏部尚書

免山東登萊田租

辛未南刑部郎中譚一召主事孫繼有劾王錫爵錫爵求去


不允一召削籍繼有降

癸酉宋應昌引疾不允

丙子進宋應昌兵部左侍郎進起李汝右侍郎

丁丑改陸可教為祭酒趙參魯為吏部左侍郎


浙江道御史劉曰梧言歲中京營如鄭洛以未任而予告塞
達以未任而憂去南京戶部尚書周世選以六月任十一月
改兵部徐元泰以十一月任不二月陞尚書如陳有年蔡國
珍皆不半歲而遷朱鴻謨以四月廷推七月受任不五月而
遷夫將之才武兵之精練軍中之大利大害非旦夕之所能





察如不能其官不能宜驟陞如能其官則當此日何數陞
遷也

是年巡撫雲南陳用賓于騰衝築八城曰萬仞曰神護曰巨
石曰銅壁曰鉄壁曰虎踞曰天馬曰溪頭又設守備二員自
是緬甸人不敢深入禁地廣西知府漆文昌之力也
烏祿襲烏蒙知府


國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國權

萬曆二十二年甲午

正月庚戌朔 上不朝

甲申寧鄉縣地震

乙酉河津稷山地震

戊子湖廣按察僉事江東之為南京光祿寺少卿

庚寅順天府丞譚希思為右僉都御史巡撫四川

起太子賓客禮部左侍郎兼翰林院侍讀學士沈一貫為南

國權


萬曆二十二年

一

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



京禮部尚書

辛卯南京禮部右侍郎習孔教改南京吏部

右軍都督府都督僉事李如柏添註五軍營副將

甲午衡府商河王載臻薨

命大學士王錫爵趙志臯張位提調宮臣禮部左侍郎范謙
脩撰李庭機唐文獻焦竑編脩周德溥郭正域金天叙檢討

蕭雲舉直講讀


丙申廣東道御史唐一鵬論李如松貪功掩敗衅禍三罪因
及宋應昌命廷勘禮科給事中趙完壁言倭託貢以覘我幸

皇上格其說又託封以嘗我夫倭嗜利經略惡利之名託為
貢，不行又易為封名在此而寔在彼也

戊戌少詹事劉楚先為南禮部右侍郎

夜保定青山口有飛星甚大餘光若彗長二十丈

已亥諭吏部曰各省災傷屢旨蠲賑不知有司曾否奉行小
民有無沾惠方今吏治全不脩講求荒政牧養小民止以搏
擊風力為名聲交際趨承為職業費用侈于公廷追呼徧于
閭里罵詈不止流亡不招盜賊互隱避失事之咎各撫按雖
請蠲賑不知汰一苛吏革一弊法痛裁冗費務省虛文如此



釀亂朕甚憂之又海防久疏倭情未定一應城池器械練兵
戰守之備尤在所亟近者將權既輕不免責成文吏文吏又
飾虛取譽首鼠避難以兵馬錢穀之任為劣處以強力幹事
之臣為粗疎好議論而不好成功信耳聞而不信目見此尤
今第一弊今後巡撫官闕爾部務推老成敏練駁歷外任之
人毋採虛名其要地司道即郡縣及江防及海防同知等官
皆宜慎選毋拘資格如不脩齊行不飭兵防撫按不亟叅劾
以失職連坐

辛丑鑄各省直審錄閱防

壬寅戶部覆工科給事中桂有根所請發帑停徵議河南留
六萬金山東江北各二萬金又河南山東借備倭米至三萬
餘石漕折銀二萬金各平糶給賑從之

山西道御史梁銓奏辨建言諸生臣非黨 上以其沽名奪
歲俸

戊申禮部上元子出閣儀注 上以未冊立免侍衛儀杖仗
總督兩廣陳葉奏黎維潭寔欲驅除異類莫氏猶然漢官 顧
待相持已定黎人匍匐請死別為區處未為晚也


二月庚戌朔

昌樂縣地震

國權

萬歷二十二年

三



壬子開封通許鄆陵許州臨潁歸德睢州地俱震

癸丑 皇長子出閣講學

摠督倉場右都御史褚鈇言漕法四事覈漂流僉殷寔堅舡料編水伍從之

乙卯南戶部右侍郎摠督倉儲楊一魁為南右都御史

丙辰山西陽曲定襄平定地震

洗馬教文楨為南祭酒

丁巳予故南刑部右侍郎吳自新祭葬

予故南刑部尚書王用汲祭葬贈太子少保謚曰恭質用汲

字明受江西晉江人少時倭擾客兵為暴訴郡守郡守恚曰何與諸生用汲曰范希文秀才時便以天下為己任矧鄉井事諸生無涉耶嘉靖戊辰成進士授淮安推官進常德同知入戶部自外郎諫張居正奪情削籍居正沒起補刑部未上遷廣東按察僉事入拜尚寶卿轉大理左右少卿歷順天尹南右副都御史提督操江南兵吏部右侍郎進南刑部尚書致任終身筮任節約廉平惠愛以不能俛仰淹頓外服十一年入郎署鯁直著聲遂至八座一意孤行監有功績

戊午先是吏部推謫劍州判官萬國欽忤旨文選郎中王教

國權

萬曆二十二年

四

